

Число 11.

Ужгород, новембра 1922.

Рочник II

БЛАГОВѢСНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ



ПОДКАРПАТСКІЙ БАНК в УЖГОРОДЪ

ПЛОЩАДЬ МАСАРИКА 11.

ОСНОВНЫЙ КАПИТАЛ 5.000.000 К.


ФІЛІЮ МАЕТ ВЪ АМЕРИЦЪ ПОД ФІРМОЮ:

„American Foreign Exchange Bank“ of Mc. Keesport, Pa.

В МУКАЧЕВЪ Головна улиця (дом Мукачія) В ЯСЪНЮ,
а також В СОЛОТВИНЪ, В МИХАЛОВЦЯХ И В ХУСТЪ.

ТЕЛЕФОН:

№ 47.



Чек конт. почт. щадн.

№ 2978.

ЦѢЛЬ БАНКА:

- Матеріально и морально подпирати наш бѣдный руській народ.
- Пріобрѣти матеріальну независимость для Подкарпатской Руси.
- Обезпечити богатство (скарбы, сокровища) Карпатов для всѣх наших Русинов.

Вообще заниматься будет банк всѣми дѣлами и вопросами, которыми тысячами народа можно обеспечити роботу, заробок и добробытіе.

Особливо заниматься будет наш банк Дисконтацію вексликов, веденіем текущих рахунков, позичок вкладами, закупом товаров, промыслом, торговлею, господарством, поставленіем фабрик и заводов.

РУСИНЫ АМЕРИКАНЦЫ УВАЖАЙТЕ!

Наш банк переведе вам найдешевше замѣну долларов, драфтов и чеков. ЗА ВКЛАДКИ ЦЛАТИТ БАНК 4%. У всяких финансовых (грошевых), господарских вопросах, кто ся до нас оберне ОТПОВѢМЕ БЕЗПЛАТНО

ПОДКАРПАТСКІИ РУСИНЫ!

Подпирайте свой \одинокїй руськїй банк, свою власну інституцію,

С ваша слава, честь и будущность.

УПРАВА ПОДКАРПАТСКОГО БАНКА.

Число 11.

Ужгород, новембра 1922.

Рочник II

ВЛАНОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить раз в мѣсяць.

АДРЕС:
редакції и експедиції:
REDAKCIJA „VLAHOVISTNIK“
Užhorod, Kapitulska, 3.

ПРЕДПЛАТА:

на рок 10 К
одно число 1 К
За границу 15 К
До Америки 25 с (1/4 Д)

ОБЯВЛЕНИЯ

принимаются по цѣнѣ
за 1 сторону .. 120 К
за 1/2 сторону.. 75 К
за 1/4 сторону .. 50 К

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯН БОКШАЙ.

Московофилизм и католицизм.

Каждый свѣдомый чоловѣкъ повинен знати: Кто он? Якоѣ народности и вѣры? Откуду прийшов и где має своих ближших соплеменников?

Мы Русины походиме из великого и давного роду Руси, т. е. есме сынами другого наибольшого славянскаго народа.

Найбóльшим славянским народом є великорусский, (москалѣ), он числить больше як 56 міліонов, за сим дораз слѣдуе наш народ з 40 міліонами, потом поляки 16 міліонов и пр.

Найбóльше Русинов жие на Українѣ, за то и украинцями зовуть Русинов.

Мы мали в давной давнинѣ свою окрему державу, что простягалася од Карпат до Чорного Моря, т. е. на просторѣ нынѣшноѣ Подк. Руси, Галичини, Буковины и України.

Тота держава звалася „Русь“. И была велика, больша, як нынѣшна Нѣмеччина або бывша Австро-Угорщина.

Русины понеже жили над Чорным морем, скоро перебрали од Греков их культуру и христіянську вѣру. Тогды ще и не было церковного роздору, зато и первѣ Христіяне-Русины были всѣ греко-католиками, т. е. католиками з греко-русським обрядом.

И коли в Греції повстала шизма, Русини за довгій час не пошли за грецкими шизматиками, но осталися матеріально и формально в лонѣ католицкої церкви.

Докѣ „Русь“ була свободна, Русини мали свою народну и духовну культуру. Но коли перед 260 роками „Русь“ заключила союз з Московскою державою, и коли потом Москалѣ (мѣшанина племен татаров, киргизов и пр.) стали подбивати Русинов под свою властъ, од тогды и стала упадати руська культура и руська національна індивидуальность. Москалѣ забрали язык, вѣру Русинов, даже и имя „Русь“ и сталися звати русскими. Особливо коли центром панования стався Петроград, съвернѣ народы языково и духовно запановали над южними Русинами.

Царѣ их поддали и церковь своєї власті, зробили свѣтську верхность над церковю, себе поклали за голову церкви, розорвали всѣ зносины з Апостолскою (папскою) столицею, даже з Цареградским патріархатом и так доверили шизму, россійску церков учинили національною, урядовою церковю.

Коли „Русь“ подпала власти Москви, тогды ще большинство Русинов принадлежало ко церкви Католицкої з руським (славянским) обрядом, но цареславна Россія постепенно вытиснула гр.-кат. церков и завела греко-восточну т. е. шизматицку. Послѣдня епархія гр.-католицка в Россії була Холмска, котру послѣ 1850 р. подчинили шизматицкої церкви. Еднако дух католицизма не знала загасити царска властъ в душах Русинов и коли р. 1905. царь Николай выдав указ о свободѣ вѣры, тогда нараз 200.000 Русинов Холмщини заявилося ко Кат. церкви лат. обряда, понеже царскій указ подав свободу всѣм религіям, но гр.-католицкої нѣт !

И теперь красно развивается серед Русинов Україны не лиш національна свѣдомость, но и ревна охота вернутися у свою прадѣдну гр.-католицку церков, котра по желанію кожного свѣдомого Русина (Українця) и повинна бы статися національною, т. е. вѣрою цѣлого руського (малоруського) народа.

Россія хотѣла изовсѣм соединити Русинов з Москалиями иproto не лиш вѣру нашу гр.-католицку переслѣдовала и вытиснула из державы, но и язык. Много-много указов выдавала цареславна Россія против языка Русинов, не позволяла друковать книги руськѣ (малоруськѣ), во школы и уряды завела великорусскій язык, даже и церковно-славянскій язык приспособила ко великому русскому. Еднако Русины Россіи не поддалися гнѣту царизма, и особенно во XIX. вѣку стала у них развиватися народность и создали собѣ свою руську литературу. Наконецъ р. 1905. и Петербургска Академія Наук признала самостоятельность руського языка...

Но обїединителѣ, т. е. цареславнѣ имперіалисты и посему не перестали угнетати Русинов, боротися против их языка, а в Галичинѣ и Подкарпатю постоянно усилювались перетягати Русинов на шизму. В Галичинѣ, где вже од 1840 роков почала ширитися народна свѣдомость и культура, змаганя москофилов не удавалися, но у нас, понеже нам Мадяре не дали жадної національної свободы и proto народ остався в глухой темнотѣ, у нас послѣ переворота яничарам кацапам удалось передурити з помочію их чеських прихильников одну часть неукого народа на шизму.

Агитація кацапов иде против кат. вѣры и против нашего народного языка и сесим явно доказує, что стоить в службѣ москофилских обїединительов.

Кожда москофилска газета е разом и шизматицка. Кто е против нашого народного языка, тот не є другом и нашої гр.-кат. вѣры, як то смутно доказує дика борьба кацапских газет Подкарпатя против гр.-кат. церкви и духовенства.

Свѣдомый Русин таким агитаціям не поддається. Свой красный, мелодійный материнскій руській язык не продастъ за чужій московскій, свою вѣру не змѣнить, свою Католическу церков не зрадить для не живої шизматицкої, котра и не може развити плодотворну духовну жизнь, як то смутно доказує низка и дика анархія в большевицкой Россіи.

Найближими нашими братями суть Русины Галичины, котрѣ не лиш по рѣду и языку суть нашими, но и по вѣрѣ; з ними есме сынами единоѣ Матери Церкви и потомками единоѣ Руси.

Културным идеалом кѣждого свѣдомого Русина повинна быти едность з нашими найближими братями, котра едность подае нам можности корыстати из развитоѣ их духовноѣ и народноѣ культуры.

Москофилизм иде против сего нашего идеала, иproto е дуже шкодливым стремлѣньем так для народноѣ, як особливо для духовної жизни нашої.



Христова Церков апостолска.

Коли говориме о Церкви Христовой, что она е апостолска, то признаеме через се три рѣчи: 1) она походить от I. Христа и Апостолов, 2) еѣ наука и св. Тайнѣ суть також от Христа и Апостолов и 3) что еѣ наставелѣ: папа и епископы походить також от Христа и Апостолов.

1. Только одна сама каѳолицка Церков существує от часов апостольских; другѣ вѣры, другѣ церкви повстали позднѣйше с тым что одорвали ся от каѳол. Церкви. Церковна исторія дооказала, что всѣм другим вѣрам основателями были люди, котрѣ переже принадлежали до каѳол. Церкви, потом про гордость, про не послушенство або про иншаку

Рок 1922.

„ВЛАГОВЪСТНИК“

Сторона 5.

причину выступили из каоол. Церкви и заосновали особну вѣру, особну Церков. Кто бы не знат, что на пр. основатель шизматицкоѣ вѣры Фотій через довгій час признав гла-венство римского отца и лиш тогда отрицав сей доклад (религійну правду), коли папа Николай не хотѣв его потвер-дити на патріаршом престолѣ за его незаконное поведеніе взглядом св. Игнатія. Лутер быв через довгій час като-лицким монахом, но тяжко было ему жити по правилам монастыря, выступив из као. Церкви и заосновав собѣ таку вѣру, во которой не нужнѣ монахи и монахам можно оже-нити ся. И всѣ другѣ вѣры так повстали из каолицкоѣ вѣры. Свое начало мають не от Христа, не от апостолов, но от тых людей, котрѣ выступили из каоол. церкви. Котрѣ наслѣдуютъ Лутера, называются ся лутеранами, котрѣ при-ляплюютъ ся до Кальвина, кальвинистами, прихильники Арія, Несторія, Македонія и. т. д. называются себе аріянами, нес-горіянами, македоніянами и. т. д. И послѣдователѣ Фотія мали бы себе не „православными“ называть но як приходить: Фотіянами, бо они держать туту вѣру, котру вынашов Фотій в IX-ом столѣтію. Правду казав на сесѣ новѣ вѣры св. Иларіон „Вы поздно пришли, вы поздно повстали“ (De trinit I. 6.) Ци так, что еще никто не чув, что нашу вѣру называли бы от имени одного чоловѣка. Не смѣютъ, бо зна-ютъ, что каолицка Церков скорше была, як всѣ ереси, и что ересь не инише, як выступ из каоол. Церкви. Всѣ ереси украшають и оправдають свои выступы из каоол. Церкви даякоючию причиню, что им не любило ся в каоол. Церкви, но то никто не смѣв отрицати, что каоол. Церков повстала колись позднѣйше из даякоѣ другої вѣры.

2. Апостолска наша Церков и за для того, что держить саму туту науку, котру проповѣдали апостолы. Ей обѣдано что „врата адова не одолѣють ей“, т. е. что дія-волови не удасть ся завести каоол. Церков у блуд в про-повѣданію христіянскої вѣры.

Всѣ другѣ вѣры отклонили ся от правды Христової и от ученія апостолов. Шизматики учать, что Дух святый по-ходитъ только од Отца, хотя так св. Писаніе, як св. Преда-ніе выражено учить, что Дух св. и от Отца и от Сына похо-дить. На одном мѣстѣ читаеме: „Егда же приидетъ Оутѣ-

шитељ, егоже азъ послю отъ Отца иже отъ Отца исходить. (Іо. 15, 26) а на другомъ: „Посла Богъ Духъ Сына своего въ сердца ваша.“ (Гал. 4, 6). Само так учили и св. отцы. Из многихъ толгко одного: св. Епифаній учить: „Вѣруеме во Христа от Отца, яко Бог от Бога исходящого и в Духа св. от Христа, як от обоихъ исходить“. Но та кто ся держить до ученія апостолов? Каѳол. Церков, котра признае что от обоихъ, ци шизматицка Церков, котра отрицае происхожденіе Духа св. и от Сына?!

Шизматики твердять, что Дух святый только в первыхъ 7 соборахъ излѣявъ свою надприродну допомогу па предстоеѧтелей Церкви, а потомъ перестала сеѧ допомога. Но мы держиме, что и во всѣхъ другихъ, позднѣйшихъ соборахъ. Такъ бо казавъ Христосъ: „И азъ ѹмоля Отца и иного Оутѣшителя дастъ вамъ, да будетъ съ вами въ вѣкъ“ (Іо. 14, 16). Они дале отрицаютъ, существованіе мытарства, хотя уже во часахъ апостолскихъ молили ся христіяны за усопшихъ. Они учать, что св. супружество можно розлучати, хотя апостол св. Павелъ выразно учить: „Завѣщаю не азъ, но Господъ... мѣжъ жены не отвѣщати... жена приказана есть закономъ... аще же ѹмретъ мѣжъ єхъ, скободна есть.“ (І. Кор. 7, 11, 39.) Но та ци може быти пизматицка Церковь апостолскою, коли она такъ уперто противостоить ученіямъ апостоловъ?!

3. Апостолска наша Церковь на конди зато, бо єъ настоеѧтель папа и епископы суть законнѣ наслѣдники апостоловъ. Въ которой другой Церкви находитъ ся той епископъ, кто бы смѣвъ себе называть наслѣдникомъ того св. Петра, кому Христосъ казавъ: „Ты еси Петръ и на семъ камени созижду Церковь мою“?! А де не е головы Церкви, установленоѣ Христомъ, то не може быти церковю апостолскою!

Епископы шизматики суть такожъ наслѣдники апостоловъ, но незаконнѣ; отступили от скалы Христової Церкви, як коли правдивый сынъ отступить от своего Отца. Сынамъ е онъ своего отца до смерти, но сыномъ непослушнымъ, отступникомъ, нечестнымъ. И Юда до смерти быв апостоломъ Христа, айбо якимъ апостоломъ?!

Видиме также, что одною, правдивою Церковю на цѣломъ свѣтѣ е только Церковь Христова. Она одна лише може спасти наши души и запровадити нас до вѣчного

Рок 1922.

„БЛАГОВІСТНИК“

Сторона 7.

щаствя. Не в шизмѣ наше щастя и спокой! Цѣнѣмъ высоко и любомъ нашу едину, святу, собору и апостолску Церков. Жайме в ней до смерти и не покидайме еъ николи. И коли бы пришло нам умерти за св. вѣру и церков, та подумайме: радше смерть и муки, як от речи ся Церкви Христовой и вѣры апостоскоѣ.



Хижи без креста. „Крестъ кѣрнымъ оутвержденіе. Крестъ Ягеломъ слава и вѣсомъ іазва!“—спѣвае Церков свята при освященію новопоставленного Креста. И не есть чудное дѣло, что наши христіяне на Подк. Руси уже от давных часов знаком св. Креста украшали свои дома. На которой хижѣ видѣлись крест, можно было знати, что в той хижѣ христіяне живут, а не друговѣрцы. А теперь пройшов ем крозь нѣкоторы села в Тересовском окрузѣ (ж. Мараморош) и вижу, что находятся хижи уже с крестом новоѣ и до сих пор тут неуживаемоѣ формы... Иду дале, вижу хижи, из которых крест убalenый... Еще там висить одно раменце з него, або ясне видно мѣсто, де стояв крест... Что за робота сесе? Якъ мае причины и паслѣдки...?

Захожу в село, в котором согласie, мир, спокой, радость, христіянска любов жила, яка под святым Крестом народилася. Обыватель обывателя честовав... Бо всѣ чули над собою силу креста. Діявол далеко быв от таких хиж. Ибо „Крест... вѣсомъ іазва!“ Так то было переже 2—3 роками. А теперь, коли стыдятся люди креста... ?!

Сторона 8.

„БЛАГОВѢСТНИК“

Рок 1922.

Теперь вижу купку русинов, котръ о шизматиках говорят; дале зась одна товпа русинов-христіян. Уніято, греко-католиков на смерть желає! Чую, побили руснаки руського хлопця так, что из ух, из носа и из зубов кров му швыкала... Прочто?! Бо бѣс ходить невязаный. Убаженый крест „бѣсам свобода“.

Иду в друге село... Повторяєся смутный образ... Кресты убаженъ. Діявол панує... Село неспокойне, поколочене... В каламутной водѣ не близитъ синье небо тай в каламутных душах не близитъ небесный дар: терпеливость, вѣра, любовь...!

В третьом селѣ...? Кресты на мѣстѣ. Христіяне кланяются оден другому: „Слава Іисусу Христу!“ и не обходять оден другого, як дикъ звѣри...

В четвертом... в пятом селѣ уже зась в хмарѣ ненависти блудять люди, бо в кал потоптали оружіе против злого духа, діявола...! Коням хвости обтинаютъ... Ческословацку вѣру прославляютъ... Церков подкопаютъ... К отцевской вѣрѣ прилѣплючимся сѣно палять, пакости роблять, русин русина изнищує. Пытаюся: Что ся стало христіянам? А общодженъ кажуть в ответ: „Отступив от них Бог, та приступив ид ним преисподник (діявол)! Котрому не было жаль Христа образити та вѣру лишити, як бы такому жаль за братом своим и его маєтком!“ И сесе русин против русина творить! „Боже и Отче Господа нашего Іисуса Христа иже Крестомъ его діявола побѣдивъ... и родъ человѣческий отъ лести и мѹчительства его свободилъ еси... (зnamенію крестному) подаждъ, во еже быти кѣрнымъ людемъ твоимъ въ стѣнѣ и покровѣ и въ столпѣ крѣпости отъ лица вражіѧ“. (Молитва на благословеніе креста).

Горѣ кресть на хижі! Отступить діявол из меже русинов из села! Крест — могуче средство против діявола. Крест „бѣсамъ газа!“ Мѣпновѣрій.

До кого належать школы? Школы наши церковнѣ помало переберає держава. Прійде час, коли всѣми нашими руськими школами управляти буде держава, и коли министерія державы состояти буде из безбожных урядников, в наши руськѣ школы посадять безбожных учителей, котръ вытеруть из душ наших дѣтей знаня Бога и цѣлу христіянску релігію.

Рок 1922.

„БЛАГОВѢСТИК“

Сторона 9.

Но мы публично заявиме, что твердое наше переконаня, что школы должны служити цѣлям религійным, должны стояти в службѣ Бога. Мы христіянскѣ родичи, которым приказано: „**Отцы... воспитовайтѣ чадъ скончъ въ наказаніи и ученіи Гдни**“ (Еф. 6, 4.) требуеме от наших школ, чтобы там наши дѣти выхованѣ были в христіянском дусѣ.

До теперь то так было. Держава у нас только от 19-го столѣття почала будовати и ставити школы; до того часу только церковнѣ школы истновали, де основою всякой науки было: *начало премудрости есть страх Божій*. Нынѣшнѣ штатнѣ школы супротив сего только свѣтскою наукою хотять напхати голову и сердце наших дѣтей. Днесъ еще учать и релігію (вѣру), но прийде час (и не далеко есть), коли держава выдасть розказ: вон з вѣрою, вон з Богом из школы!

Зато повинностю каждого свѣдомого христіянина есть не перелати церковнѣ школы державѣ, но по возможности воздержати церковну школу и с властною жертвою. Коли прийдутъ выборы, не голосовати на таку партію (яка и Гагатковска), котра требує розлучити Церковь и державу и одержавити наши школы. Кто сесѣвѣ повинности легко бере, тот легко бере душу и вѣчное спасеніе своих дѣтей.

Виндторст, вождъ нѣмецких католиков разъявив, что найгорша и найтяжша война буде для католиков, боротьба за церковнѣ школы. А у нас что видиме из сеѧ борьбы? Хиба только, что из больше сот народных церковных школ ледвы 40 зостало при Церкви... Кто сему винен и кто буде за се отвѣчати перед исторіею и перед вѣчным Богом?

„Поп а поп...“ — то не одно. Находятся такѣ русины, котрѣ не дбають, что хоть якоѣ вѣры священник приходит до их церкви. Так говорять: „священник та священник — го одно! Якій священник буде в церкви, та до такого иду, ци из бородою ци без неї!“

Таких млавых „вояков Христа“ посрамляють нашъ ревнѣ вѣрники, котрѣ знаютъ жити из вѣры. Котрим вѣра дає силу терпѣти за свое убѣжденіе. Не напудятся шизматиков, не боятся еще и таких урядников, котрѣ правду не сохраняють. Таким урядникам чесно, но смѣло и мудро знать одновѣсти на их искусствѣ слова. Так робив оден член депутації ревных гр.-кат. вѣрников. Прийшли на жупанат. Хотѣли до жупана или поговорити, почему не дають им уже церковь назад. Но одного референта дуже мѣре сердце за шизматиками, та не допустив их до жупана. Мѣсто сего

иинше робив! Начав иамовляти добрых двох вѣрников наших так по своему! Радив их не боротися дальше с шизматиками.

— То одна вѣра — говорив — ходѣть и вы до церкви...! (котру шизматики грабежою отобрали от гр.-католиков!). Прочто потребуете другого попа...?! (т. е. гр.-католического). „Православный“ (шизматик!) поп такій чоловѣк, як и гр.-кат. поп. Поп та поп...!

— Добре, пане референте! — одновѣв ему наш вѣрник. Я розумѣю, что и вы чоловѣк, тай я чоловѣк. И чоловѣк а чоловѣк то одно! Ци правда?

— Ано, ано — притаковав жупанскій референт — тераз каждый чоловѣк одинакій, бо жиєме в республицѣ.

— Мудре дѣло, пане референте! Тогда я буду завтра референт, а вы будьте земледѣлцем. Тадь и вы и я чоловѣк!


— Просим, — казав референт — то не можливо, бо вы не есте ученѣ.

— Но та потому потребуємо и мы ученого гр.-католического священника, а не неукого батюшку, — заключив бесьду мудрый гр.-католический вѣрник.

* * *

Таких убѣжденных вѣрников дай нам Боже много!

Крѣпковѣрій.



Присуд и отпущеніе.

Павел Щербан файный легінь (паробок) быв. Свльскѣ дѣвки онъ трясли ся за ним. Каждому, кто поглянув на него, полюбив ся молодый, красный хлоп. Лиш двое не были с ним вдоволенъ. Мати его стара а старенький духовный отец села

Рок 1922.

„БЛАГОВѢСТНИК“

Сторона 11.

Павел и поносовав ся не раз:

— Что мають на мене? И не пю, и не лаю, кажду недѣлю пойду до церкви на службу Божу.

— Айбо сповѣдати ся не хочеш, сыне — казав раз отец духовный.

Павел двигнув плечами и из меж зубов вер отцу духовному:

— Чому вы такъ цѣкавъ на мои грѣхи?

Мати стара напудила ся, что розсердить ся отец духовный, но старенький, сѣдоглавий священник лагодно лиш только повѣв:

— Не из цѣкавости хочу сыне послухати твои грѣхи, но чтобы в имени Бога тебе от них розрѣшити.

Павел знов здигнув плечами, мати слезала, а священник пошов собѣ дальше. Цѣло зостало в том. Священник не силовав дальше. Мати еще дасколько раз росила, ло сын уцер ся.

— На мої грѣхи най не цѣкавить ся поп. Не пойду сповѣдати ся.

Розум его инде ходив. Задѣв чичку у лайбик и понад вечер уже там подставковав под облаком Ивана Крайника. Кто тому винен, что Марія Крайникова такъ краснъ очи має и сими очами так глубоко знала позерати в сердце Павла??

Дѣвка задерала ся с Павлом. Еще и сама не знала куда тягне еѣ сердце. Бо и сусѣдскій легинъ дуже ходив за нею.

Знав сесе и Павел. Раз так по полудню одной недѣли вѣдно сидѣли в корчмѣ. Павел зачѣпав ся до него; розгрѣвало его и вино. Из злова на слово, а на конди Павел Щербан свой новый нож глубоко задѣв в сердце другого легіня. И сам не хотѣв так глубоко. Неборак легінь ледвы крикнув и умер.

Павел Щербан устовиць. Коли жандары пришли за ним, без слова подав ся. Склонив голову и помало, тяжкими стопами ишов за жандарами, колись гордый, файній хлоп.

Горкѣ дни и еще горшѣ ночи слѣдовали по тому. Стара мати постоянно плакала дома, а Павел в темницѣ чекав присуд. Глубоко и лицо пожаловав убийство. Не лиши зато, бо бояв ся кары, но и совѣсть грызла его. Не хотѣв

он забити своєго товариша. Не быв он злого сердца, только заблудив ся. А тепер на его души сей страшный грѣх. Ледви чекав переслуханя. Тогда повѣсть все, что на души лежить. Щиро и покорно, ничего не затаить; так як во сповѣди повѣсть судіѣ:

— Послухайте мене пане . . . я согрѣшив, я гордый и пышный быв . . . потом пришла тата пристрасть . . . ненависть. Хотѣв ем поколоти мало того хлопа, но забити нѣ было мнѣ в гадцѣ.

И коли привели его перед суд и там стояв в тѣлѣ и души сокрушеный все так хотѣв повѣсти як собѣ подумав. Но судія сурово закричав:

— Я не цѣкавый на твои грѣхи. О том одном говори за что принесли тебе сюда. Коротко хочу чути, як дѣло ся стало?!

В сей минутѣ пришло Павлови у гадку стара мамка и сѣдоволосый отец духовный. И задзвенѣли му слова, что так через зубы вер священникови:

— Чому ви такъ цѣкавѣ на мої грѣхи?

— Зато, чтобы в имени Бога розрѣшити тя от них. Казав от Бога посланий судія.

А от людей поставленый судія каже:

— О яка страшна роздука! Чтобы тебе осудити.

О Боже, чому не слухав тогда на слова того первого судія. Если бы тогда открыв быв свое нечистѣ намѣренія, тогда бы не стояв тепер перед туземным судією.

Щербан Павла осудили на довгу, тяжку темницу. С отвращенiem позерали всѣ на убійника.

Осудили его и не розрѣшили, не простили ему. Смутно, тяжко ишов межи сторожами. Но замѣст темницѣ перший раз повели его у каплицю ареста. Там чекав его дакто. Сѣдоглавий отец духовный.

— Пришов ем сыне мой, улегшити твою душу. Высповѣдай свои грѣхи, Бог небесный тобѣ отпустить.

Слезы залляли лице легіня. Упав на колѣнки перед отцем духовным. Кого Бог послав до грѣшников, не осуждати их, но прощати провини в имени Бога.

НОВОСТИ.

— Св. священомученик Іосафат. (До заголовного образа). В городѣ Володимирѣ на Волынѣ (тепер Польща) жили побожнѣ супруги Гавріил и Марія Кунцевич. В 1580 р. поблагословив их Бог дѣтиною, котру в крещенію назвали Іоаном. Уже из маленьку можно было познати, что из Іоана має быти незвычайний чоловѣк. Од дѣтиства указав особливое набо-

Рок 1922.

„БЛАГОВѢСНИК“

Сторона 13.

женство до Христовых мук. Одного разу пошов он з своею матерію до церкви св. Параскеви. Кляуччи перед Розпятым, не мог Очей одорвати од розпятого Спасителя. Раз лиш увидѣв, что из боку Спасителя впала искра ему на сердце. Од сего часу малый Іоан дуже полюбив молитву, св. Церков и еї обряды. Як уже подрос, то отец его, кто сам быв купцем, оддав его на пауку до одного купця в Вильнѣ. В сем городѣ мав он на году познакомитися з черцями Василіянами; кождый день приходив до их церкви и услуговав. В 1603 р. вступив до Василіянского чина и по монашому звычаєви приняв новое имя Іосафат. Тогдали были уже тяжкѣ часы на Украинѣ. Шизматики вели завзяту боротьбу з греко-католиками. Всѣми способами старалися перетягти их на шизму. Болѣло то дуже Іосафата. Хоть еще не мог дѣлом заступати за католицку вѣру, та своими молитвами и покутами хотѣв причинитися до еї обороны. Молитвою крѣпив своего духа, а тѣло картав бичованіем. Дуже часто зимовим часом серед трѣскучих морозов вночі выходив на цвінтар церковный, ставав на камънь, до котрого ноги не раз примерзли и тут бичовався аж до крови. А за кождым ударом все повторював: „Господи Іисусе Христе, дай едность у святой твоей Церкви; дай чтобы всѣ были едно“. В 1609 р. посвячено его на священника. Свою ревностю довюв до того, что не лиш Вильно очистив од шизмы, але и подальшѣ околовицѣ. 1618 р. Велямин Рутскій поставив его епископом полоцким. Шизма и тут запустила была корѣня; однакож удалось ему много шизматиков навернути в лоно св. католицкої церкви. Коли Одного разу в 1623 р. подчас своеї подорожки архіепископ Іосафат посѣтив монастырь в Витебску, здѣлали вороги новый заговор на его житя. Было то в суботу вечером. Оден из монахов повѣдомив о том владыку. Архіепископ упокоивши монаха перевюв цѣлу ночь в молитвах, в которых поручав себе и своих вѣрников милости Божой. Як начало зорѣти пошов Іосафат до церкви на утреню и за той час собралось было под брамою (капурою) монастыря значительное число заговорчиков. Коли архіепископ вернувся из церкви до епископской палаты напали на него роз'звѣренѣ шизматики. Оден из них ударив святого колом а другій сокирою затяv по головѣ. Св. Іосафат мав еще на столько силы, что поблагословив своих убийников говорячи: „О Боже мой...“. Та и ту останну молитву не дали ему докончiti, бо выскочив оден шизматик из товпи и двома выстrelами забив его. Потом збѣсна товпа по звѣрски еще знущалася над его тѣлом. На конци связали окровавленое тѣло мотузами и повлекли улицями за город и кинули в рѣку Двину. Случилося се 12-го падолиста (новембра) 1623 р. Третього дня вытягли из рѣки моши архіепископа Іосафата и положили до того гробу, котрый он собѣ уже перед тым приготовив собѣ в Полоцку. Но его убийство послужило только к

большому торжеству и укрѣплению унії. Всѣ убійцы, кромѣ одного перед смертю, на что были осуждены королевским судом отреклися од шизмы и вернулися в катол. церков. Головный виновник его убийства Мелетій Смотрицкій, архієпископ шизматицкій открыто принял унію и умер гр.-кат. архимандритом в Дерманском монастырѣ. Он осудив всѣ свои сочиненія направленѣ против соединенія, признавши сим, что написав их из злобы к св. Церкви и что они перенесены всякою неправдою. Ко гробу св. Іосафата, прославленого всякими чудесами стали из далеких сторон ходити паломники с процессіями. На Українѣ и Бѣлой Россіи укрѣпилася унія (соединеніе), были основаны монастырѣ чина св. Василія Вел. и сим поднялася меже народом культура, богообойность и чиста религійна жизнь. В 1643 р. папа Урбан VIII. проголосив св. Іосафата блаженным, а папа Пій IX. в 1867 р. святым. В 1918 р. мощи св. Іосафата перевезли до Видня, де спочивають у тамошній церкви св. Варвары, доки не прийде час принести их до Галичини, де будуть помѣщены в одной из Василіянских церквей. Св. Іосафат быв щирым русином; он е кость из кости, кров из крови нашоѣ. Свята греко-католицка вѣра много мучеников мае, но только один, св. Іосафат есть канонизованый (оголошеныи святым). Приходило бы и нам лѣпше почитати память сего нашего русина-святого, кто умер за нашу руську-греко-католицку вѣру и кого имя каждый заграничный русин познае и глубоко честуе. И головно послѣдовати его примѣру в оборонѣ и вѣрности к нашей отцевской вѣрѣ. „**Величаемъ тѧ священномучениче Христовъ Іосафате и чтимъ честнаѧ страданіѧ твоѧ, та же за соединеніе претерпѣлъ еси.**“

— **Выименованія.** От правительства епархіѣ выименованѣ в администраторы: Николай Мондій до Ирлявы, Михаил Пензел до Кривы, Александр Долинай до Хыжѣ; в сотрудники: Іосиф Микита до Яс'ня, Юлій Роговскій до Улич, Николай Такач до Дубринич; супл-профессором: Димитрій Попович к учит. семинаріи в Ужго-

родѣ; пѣв. учителями: Георгій Демков до Стриговци, Михаил Сухій до Колоницѣ.

— **Рукоположеніе.** Его преосвященство епископ 5-го ноября с. г. выдѣлив св. тайну рукоположенія слѣдующим до конч. богословам: Николаю Мондій, Іосифу Микита, Михаилу Пензел, Юлію Роговскій и Іоанну Лоя. Четыри из сих при-

Рок 1922.

,БЛАГОВѢСТНИК“

Сторона 15.

падлежать к нашей епархії, по-
слѣдній же к американской діо-
цеzi. Прекрасный обряд руко-
 положенія отбыvся в епископ-
 ской каплицѣ.

— **Епископ Нярадій в Уж-
 гуродѣ.** Пряшевскій епископ др.
 Діонисій Нярадій на днях наци-
 вив епархію нашу и епископа
 Антонія Паппа. С головными
 церковными особами перегова-
 рйовав о актуальных вопросах
 церкви. Неотмѣнио потребным
 держав тѣснѣйшое зближеніе к
 народу ; духовенство тогда буде
 мати солидный фундамент и по-
 вагу перед свѣтом, коли, так в
 языковом вопросѣ, як в куль-
 турѣ національной ступить на
 народну основу. Москвофильство
 есть смертю нашей греко-кат.
 церкви и нашей народной куль-
 туры. Желательным держав за-
 вести почитаніе единственного
 русина-святого Іосафата, свя-
 щенномуученика соединенія цер-
 квей. Всѣ сесѣ добрѣ и благо-
 роднѣ думки он на конференціях
 с канониками и профессорами
 богословія пертрактовав. Просив
 их чтобы не забыли о том, яку
 велику роль играє в борьбѣ за
 вѣру — христіянска пресса.
(христіянскѣ новинки) и вручав в
 их, вниманіе наши христіянскѣ
 газеты. Нащивив и редакцію Бла-
 годѣстника и пообѣцяв, что и в
 новой своей епархіи вручати
 буде священикам и народови

Благодѣстник. Нащивленя епи-
 скопа Нярадія в всѣх кругах
 церковных и національных еще
 довго незабутный вплив здѣлало.

— **Упокоилася.** Мати редак-
 тора нашей газеты, вд. о. Іоси-
 фа Бокшая, бывшого лохов-
 ского намѣстника, 24-го окто-
 бра в Копиновцах умерла. Бла-
 женый еѣ покой.

— **Прийде на пса мороз.**
 Шизматицкѣ батюшки, Изськѣ
 монахи с радостію ширили свою
 нову вѣру и радовалися, коли
 народ через них законных свя-
 щеников проганяв из села. Но
 Бог не ходить с буком бючи,
 пришла и на них черга. *Vaka-
 rova изяне прогнали с безчестію*
 и уже лиш у Селицах и у Нап-
 ковѣ буде „дѣйствовать“. Так
 йому треба ! Якою мѣрою мѣ-
 риш, такою возмѣриться тобѣ,
 каже св. Писаніе.

— **Голос руського народа.**
 Редакція наша достала слѣду-
 юче письмо: „Пане Редакторе!
 Посылаю вам дасколько вѣстей
 из „Шизматицкого раю“, якій
 находится в Тересовском окру-
 зѣ. Прошу будьте такѣ ласкавѣ
 помѣстити в „Благодѣстнику“. Из Ужгороду дому идучи на же-
 лѣзницѣ роздѣлив ем примѣр-
 ники „Благодѣстника“. Словом
 еще обширнѣйше перекажу, что
 на сколько полюбилася газетка
 двом гуцулам, котрѣ до тепер
 лин „Русскую Землю“ позна-

вали за газету. Казади, что „Р.
З.“ даже скруто пише, не мож-
еъ розумѣти“. Стать „Благо-
вѣстника“ так полюбилися гуцу-
лам, что вѣкземпляры мусѣв
ем им дати „чтобы понесли и
кумови дома прочитати“. Дуже
тѣшать нас сесѣ строки, бо
из сего видко, что не робиме
дарьму працу и люди порозу-
мѣли уже наши благороднѣ
намѣренія.

— Злодѣ́ на фарѣ́. Ми-
нувшого тѣ́ждня вломники хо-
дили на фарѣ́ Вышной Рыбницѣ́.
Хотѣ́ли из фары украсти цер-
ковнѣ́ грошѣ́. Старенький свя-
щенник цѣ́лу ноч до рана дер-
жав с . плечами дверѣ́, чтобы
злодѣ́ не вломились у комнату.
Рано безбожнѣ́ злодѣ́ зникли.
Подозрѣ́ваютъ, что меже злодѣ́-
ями быв и церковник, кто на
фарѣ́ ночовав.

— Пахнячъ батюшки, або
нова обмана шизматицких ба-
тюшок. Пишуть нам из Мара-
мороша : „Шизматицѣ батюш-
ки мастьяться пахнюючиими водами
и у міро из того сыплють,
чтобы народ говорив, се прав-
дива вѣра, бо и священики и
міро, як ароматы пахнуть“. Не
шкодуйте от них, они того дуже
потребують.

— Святыня, где учив Иисус Христос. Ученъ люди, котръ занимаются старинными дѣлами в час розкопок руин города Капернаума нашли камень, на яком проповѣдав свое учение Иисус Христос.

— Назад у Христову церков. В Англії жє оден знаменитий писатель: Честертон. Его творы (стихотворенія, романы, драмы) переведенъ на вѣсъ культурнѣ языки и его имя познатое меже вѣсми народами. Воспитан быв в англиканской вѣрѣ, но отколи познакомився с католицкою вѣрою, все лѣпше полюбив ю и все частѣйше думав ступить у католицку церков. Великій вплив здѣлала на его навреніе смерть его брата Кекила, кто еще переже став католиком. Честертон днесъ 48 роков має и оден из найзнатнѣйших писателей цѣлого свѣта. Вот сила католицкоѣ церкви !

— Выдавництво „Добра Книжка“ має на складѣ всякѣ церковнѣ книжки, проповѣди, часописи и всякѣ іншѣ творы релігійного и свѣтскаго содер- жаня. Адрес: М. Мох, Львов, улица Содова 4. Замовляти можно и через „Благовѣстник“.



ІОСИФ ЬОЕШАЙ, руський маляръ

предриимае и о умѣренной цѣни всякъ мади рскъ роботы,
якъ вымальованіи церквей, распятія на приоугнѣ кресты и т. д.

Адрес : I. БОКШАЙ, Ужгород, Капитульська ул. 3.



ТИПОГРАФІЯ АКЦІОНЕРНОГО ТОВАРИСТВА „УНІО“ В УЖГОРОДІ.